

Lahabaote Gemo Begalogalibo Folo Ai'ize



Lahabaote Gemo Begalogalibo Folo Ai'ize

Mabukuvibo gao'upa gemo Goti gevitibo lita dupu huta gaone. Bogoko nalosebo hu'ima gemo lita dupu huta bogoko pesivibo gaopamo Goti gema aepa'amo haveune gehebo bogo vato bukuvitibo gi'aota a'havigupa Goti gevitikobo gi'aota havigupamo hane.

Goti gemo begalogalibo omina ona lahabao'ema gemo hane. Gagimo fotogo gavabo hite bosebo pagamo nofalesima zademo fahabaenagana fahageda baegae. Debogobo havinisebo ho'asima gavatoga demo bai'uve huna havilona lole aipa getamo a'havina Sipi Demo Zisasi Kalaisitibo falina dato'ize huna bubalesemamo Goti bademo habalogize. Hinagana Sipi Delogamo hano'ema namo aipamo hagona baite namo menagana mogagamo aina baigize. Dagaetogamo nagavabo folo aemamo genagamo 1937-avibo folo aegada nalotibo Sipi Delogamo baida lokaoda bai'uve. Zisasibamubo hagabaona kau'vailona Sipi Dekamo bailo hisimahebo gaetogamo a'o'esapamo hemeti haebo gaetogamo esapahebo nosuve.

—Watson Goodman (1920-2002)

Gotibo lagaesebo haina fali'ize

Lomu 5:8

Hima bolava lagaemo ho'asima gavatoga zademo bai'unaganahebo Kalaisitibo falina latema bobo pagaesebo sipi huna dahaina falize huna Gotibamubo lina lalize.

Zoni 13:1

Zuda zademagi fevitabo Pasova vitabo folo a'ai'eganahebo Zisasibamubo havinahebo ma'igopamo taloda Avodimatogamo lu'amo uda haesuma gana'amo obo ali hu'ize huna havize. Nagi Zisasibo hainahebo lagaemo ma'igopavi zadevitibo gae zademo bai'upa zadehebo sipi huna haina falilona falesimahebo hima gana'a'esebo bogo'e huna lagaesebo haize.

Leveleseni 1:5

Nagi Zisasi Kalaisitibamu'esebo soko huna patenagatina paipamo fahageta baezo. Goti gemo fotogo hunagobo aona hakalo hute demo bailona falemapitibo lu'amo hetimamo hegotonamo hetite demo bailona ma'igopavi zadeitobo gava nesama vemagi gava de'inamo bai'ize. Baiema demo lagaesebo haina falegana falina latemamo golaamabo ho'asima gavato baupatotibo galu vaona late.

Zoni 3:16

Gotibo Bade'amo bogokotomo baema bolava ma'igopavi vemo adehebo sipi huna bogo'e huna haina falema bosebo Bade'amo havaegana omi'ize. Nahuna havaegana omimamo gaetogamo pageta haveda fotogo hesama zademo faleda fenene asigava baige baige hida baesama paune pamebo lisamahebo omize.

Zelemaia 31:3

Sipi Demo fo'alogalibo folo aina nahuna fahapaize: Pagaesebo sipi huna dahaina fali'ize huna. Pagaesebo dahaina falite namo su'asona hava'amo hanogo hanogo huna hanemagada buki buki vitabo dahaobo huda nopatove huna fahapaize.

Zisasi Kalaisitibo ligibo Gotibo bai'ize

1 Timoti 3:16b

Zademo habalona folo ailona fotogo gavabo hima gavabo Aune Me'amamubo lina palekana enisolemagimo gae. Zade bogo'amagimo vida eda hida buki haopaloga zadehebo gae ge'amo aeda hakalo hagana ma'igopavi zademagimo havileda gaetogamo pagetamo haveda fotogo hagana Gotibamubo gavailina okulumapibo haina gi'amo mize.

Zoni 1:1, 14

Genagamo fusafasa'amo Gotibamubo ma'igopamo lo'asu'eganahebo debogobo baize. Goti Gemo Bai'ema Demo ligibo Gotibo bai'emagana Gotigi'esebo baize. ...Nagi a'ina demo Goti Gemo Bai'ema Demo ma'igopavibo omimamo zademo habalona lagaegi'esebo bailo hize. ...Nagi Goti Bademo baemagana buki zadehebo sipi huna haina falekana vavu lina soko gavabo huna latolona ligi gegobo hulo hize.

Matiu 1:22, 23

Nagavabo buki gavabo folo aema bobo hegotonamo genagamo Sipi Demamubo gae gemo aona hakalo nosema dehebo higana nahuna gao'ema gelobo folo aize: Abade bogobo vuna ve'esebo lokaona a'hao'ema abademo aipa'ebo bailona deneve bademo lina togize huna. Lina tesema badehebo Emanizuelo'ae hida gi'aegae huna gao'ize. Nagima aepa'amo Gotibo lagaegi'esebo bai'ize huna hize.

Zoni 14:9, 10a

Higana Zisasibamubo Filipio huna. Haiza gava higaka dagaesebo Avokamabo lika lalizo huka nosane huna. Dagaemo pagaegi'esebo ligibo atala vitabo bogokopibo bailo hu'upa bolava dagaemo dagoka aeto asapa besebo nosapize huna. Gagimo dagaemo dageda aeto hi'isama zademagimo dagae Avodima'esebo obo ge'ae huna. Nagi dagaekane Avodimakanebo baita'a nu'aota'a bai'u'ama besebo havika fotogo asapize huna hize.

Zisasibo Goti Bade'amo bai'ize

1 Zoni 4:15

Gemo aeda hakalo hedahebo Zisasibo Goti Bademo bai'ize hida hi'isama zademo painagamo Gotibo bailegana Goti'esebo baeda nu'aeda bai'eda nesae.

Luku 1:35

Enisole demamubo nahuna hapaize: Goti Aune Me'amo kagaetobo enagaka Augegesa Demo Goti apuvalobo baigane huna. Baesapa besebo gaesapa badehebo etofa bademo Goti Bademo bai'ize hida gi'aegae huna hize.

Aisaia 9:6

Bade bogobabo lagaemo lahabaesemahebo lamenagana folo aigize. Sipi Demo baigimagana gae'amamubo buki zade'itobo gava hugize. Gava hisima dema gi'amo aedahebo Etofa Huna Lina Labalote Demae hige Apova'e Gotibae hige Baigo Baigo Aune Me'a'e Avobae hige Laipamo Lahagote Nalobo Gava Hute Demae hida gi'aesama bademo folo aigize.

Matiu 17:5

Nagemo nosejanahebo hitamo bogo vase'vaze hu'ima hitamo folo aina gina sulenabo balona patolona aina sau huna patemamo a'ina hitavinagatibo nomo bogo aina nahuna hize: Uma vekamo dagaemo sipi huna dahai'ema Badedimo bai'ize huna. Gaesebo daipamo ligibo dahago-emagi gemo hisima gemo soko heta havezo huna hize.

Kolosi 2:9

Goti Aune Me'amo havaitona bainisebo Kalaisitipikobo baina sunose.

Zoni 9:37

Higana Zisasibamubo ma'ina demo de'ilavadamo obo dago'ane huna. Nagi hemetimo kagaekanebo gezagemo nosu'ama demo Zademo Habalote Demo ligibo dagaemo bai'uve huna hize.

Zisasibamubo gae'ahebo na'auva demo bai'uve huna lahapaize

Zoni 8:23

Zisasibamubo nahuna fahapaize: Pagaemo ma'igopavi zademo baima bolava dagaemo ma'igopavi demo abauva biga okulumapi demo bai'uve huna.

Zoni 6:35

Okulumapiti bamae humamo ligibo dagaedihekobo huve huna. Dagaemo bagakata huda baumagada pagaemo pamidahebo baige baige hita baesama paune pamebo ligibo dagaemamudamo nopamuma demo bai'uve huna. Pagaemo ma'igopavi bamo nedama bolava lu'amo pagamo nofalize huna. Ito nibo hevita nedama bolava lu'amo nisebo nofahaize huna. Hima bolava dagaetogamo eta dagaesebo pagetamo haveta fotogo hi'isamamo ligibo pamu hulona lu'amo pagamo afaligimamo hane huna hize.

Zoni 10:7

A'ina gemo vavezafa gema aepa'amo haveda fotogo asama bosebo Zisasibamubo gemo bogo fahapainahebo ligi gemo nofahapauve huna. Dagaedimo ma'ina gipabo bai'uve huna. Sipisipi galema gegitavibo vida haesama gipanae huda humamo dagaedihekobo huve huna hize.

Zoni 11:25

Zisasibamubo nahuna hapaize: Zademo fali'esamapitibo lu'amo hetida baige baige hida baesama nama aepa'amo dagaedimo bai'uve huna. Nagi gagimo dagaetogamo pagetamo haveda fotogo hi'isama zademo falegama bolava lu'amo hetida hava'a baige baige hida baegamamo hane huna hize.

Zoni 13:13

Pagaemo dagi'aetesebo Bono Dezo hile Sipi Dezo hile hita nesae huna. Nahita nesamamo dagaemo ligibo Bono Demo bailoda Sipi Demo bailoda hu'uma dehebo fotogo heta nesae huna hize.

Zisasibamubo hakeli'a fozamo li'ize

Matiu 14:19-21

Buki zadehebo gavolobo baezo huna. Higana bai'agana Zisasibamubo a'ina bamo 5-a'ese fazabo lole'esebo li'una okulumapinagamo aulagamo lina go'una Gotisebo mokomo hale. Hulona a'ina bamo lina posina gae kekebo nesama vemo pamegana lida vida bukibuki vemo ademo bademo abademo hida pamigana buki zademo deda pamu hae. Hileda batupatapa'amo talama'amo Zisasi kekebo nesama vemagimo lida gitu hida hona zuvamo 12-a zuvavibo baleda havaiteda balae. Nahida bamo dama zademo vavu zadevitibo leke paedahebo ve'agobo 5 tauseni vemo delagana adebade'ina'esebo dae.

Luku 5:5, 6

Saimonibamubo Bono Dezo huna. Lagaemo hemeti hani'inagamo fazabo lisupahebo apomo nofaunaganahebo gobo lima bolava fazabo ligibo havana'amo a'alune huna. Ligibo havana'amo a'alupa bolava kagaemo hapa bosebo lu'amo gubo lida nipibo taloguve huna. Nahuna hulona Saimonigimo fazabo nefaima gubo lida zagau heda talagana nipinagamo lamilegana lida vazuu hama bolava fazabo hepa namo havaitona hanema bosebo a'ina gubo valo aesimahebo hize.

Matiu 20:30, 32b-34

Ne'vaganahabo lole detolimo pa'aulagamo fali gaema detolimo gila getatobo bai'eda'a haveda'ahebo Zisasibo malogamo no'e gemo havi'ama bosebo ge'aeda'a Sipi Dezo hida'a. Kagaemo Deviti Badelupiti Vemamugamo hagaobo huka la'amizo hida'a. . . ha'agana pa'agaemo haiza gava nesa'ae huna. Dagaemo da'uva gavabo huda pa'atesomahebo nesa'ae huna. Higana Sipi Dezo hida'a. La'aulagati'amo goka zakoka la'atesapahebo nosu'ae hida'a. Ha'agana Zisasibo haobo huna pa'atolona pa'aulagalobo anotamo balona pa'ategana haetomo pa'aulagamo gona zakona pa'ategana hetida'a Zisasi kekebo ha'ae.

Zisasi Kalaisitibamubo buki namo lohulona lagae Sipi Detimo bai'ize

Kolosi 1:16

Gotibamubo Kalaisiti'esebo bai'una buki namo okulumapi na'ese ma'igopavi na'esebo lagaemo gesopa na'ese akesupa na'esebo lohize. Enisolemo lohunisebo paimutalobo bai'eda gava nesama demo gava demo sipi demo pagi'e vemo huna lohize. Gae Bademamubo habaegana lohulona buki namo Bade'ama namo hanesemahebo buki-buki namo lohize.

Zoni 1:3

Bukibuki namo lohize. Ito bogoko namo bogo vato gitotibo folo a'aiva buki-buki namo gopa akopa namo folo aemamo gae'amamukobo lohize.

Hibulu 1:2

Hemeti vava'alobo ma'igopavi gavabo suhesimahebo himapikobo Gotibamubo gemo aona hakalo huna lahapagesebo gae Bade'amo havaegana omima bobamukobo lina labalo'ize. Nagi buki-buki namo lohugesebo a'ina Bade'aganebo bai'eda'a buki-buki namo loha'amagana Gotibamubo leke painahebo buki-buki namo a'ina Bade'ama namo hanenagana gava hisimahebo leke paize.

Elesa 2:36

Lagaemo lselele zademo buki'amatamo lagetamo haveta fotogo hegatao huna. Pagaetenamagilamo bageta zavalobo nilimo aeta tama demo Zisasibo Gotibamubo leke painahebo Sipi Demo bailona Kalaisiti Demo bai'ize huna saga huna te huna hize.

Lomu 14:9

Kalaisitibo falilona lu'amo hetimamo fali'esama zade'ese hava'amo bai'esama zade'esebo ligibo buki zade'i Sipi De'inao baesimahebo falilona lu'amo heti'ize.

Zisasi Kalaisitibamubo buki zademo kotimo huna patesema demo bai'ize

Lomu 14:10

Pagaemo haiza gava higatina epago paganatenamagisebo ho'asima zademo baize hita nesae. Ito haiza gava higatina epago paganatenamagisebo degimo baileda nauva namo baize hita nesae. Henaga'amo lameto lameto huta buki'amo Goti aulagalobo heti'unagana gae'ama-mubo kotimo huna latogize.

2 Timoti 4:1

Zisasibamubo buki'bu'ki zademo kotimo huna patona-hebo ofali'esama zade'ese hava'a bai'esama zade'esebo paipa pagetamo hetama aina patogize. Nagavabo hisima demo Kalaisiti Zisasibo lu'amo omina folo ailona gae zade'itobo gava hugima bosebo dagaemo Goti aulagalobese Kalaisiti Zisasi aulagalobesebo baidahebo nagemo hakeli'a huda nokahapauve.

Matiu 25:32

Daimutalobo bai'uganahebo buki'bu'ki zademo buki haopalogati zademo e'e hida dagae daulagadilogamo dupu hida baegae huna. Dupu hida bai'agadahebo dagaemo hetama aida patodahebo zade bogo'amo vatobo patolo zade bogo'amo vatobo patolo huguve huna. Galelobo zagaite vemagimo sipisipi galemo bogo vatobo patele meme galemo bogo vatobo patele nesama auva gavabo huguve huna hize.

Elesa 10:42

Hulona gemo lahapa'inahebo bono gemo aeta hakalo he-ta buki'bu'ki vemo adehebo fahapaizo huna. Gotibamubo leke painahebo buki zademo fali'esama zade'ese hava-amo bai'esama zade'esebo lina hetama aina patolo hugize huna leke pai'ema demo dagaemo bai'u'ue hita fahapaizo huna Zisasibamubo lahapaize huna hize.

Kalaisitibamukobo lahabaona lau'vaite demo bai'ize

Zoni 10:9

Dagaemo ligibo dagaedimo gipabo bai'uve huna. Zademo gegitavibo vida haegesebo dagaetogamo eda dagaesebo pageta haveda fotogo hesama zademo gegita zo'inagamo vida haigana Gotibamubo pau'vaina pagavai-gize huna. Pagavailona soko huna gava huna patolona paune pameba namo pamenagana deda pamu hileda soko heda baegae huna hize.

Zoni 14:6

Higana Zisasibamubo nahuna hapaize: Pagaemo vita haesama gibo dagaemo bailoda dagaemo ligi gema aepa-amo bailoda pagaemo baige baige paune pamebo pamite demo dagaedimo bai'uve huna. Avodimatogamo visune hisama zademo bogo vato gitobo a'avigava dagaetogamo eledahekobo Avodimatogamo vigae huna hize.

Zoni 8:24

Pagaemo ho'asima gavatinalogamo baime baime vita falegae huda nofahapauve huna. Dagaemo gemo aoda hakalo huda fahapaidahebo dagaemo de'ilavadamo Kalaisiti Demo bai'uve huda fahapauma gelosebo ligi gemo hane hita a'havita dagaetogamo pagetamo haveta fotogo asisamamo ho'asima gavatinalogamo baime baime vita falegae huna hize.

Elesa 4:12

Debogobo vato demo lagaemo lahabaona lau'vaesima demo ligibo abai'ize huna. Bukibuki haopalogamo Goti-bamubo bogo vato gimo lamegata ge'aenagana lagaemo lahabaona lau'vaesima dema gi'amo ligibo a'hano'eva Zisasibamukobo lahabaogize huna hize.

Kalaisitibamukobo lahabaona lau'vaite demo bai'ize

1 Kolini 1:30

Gotibamubo pagaemo patemamo Kalaisiti Zisasi'esebo baesamahebo pate. Hulona Zisasibo leke paemamo lagaemo Gotitogamo havite nama aepa'amo bailona lagaemo Goti aulagalobo fotogo zademo baesupahebo lina latolona gae zade'amo baunagana gavedamo lina suhona latesemahebo leke paize.

Kolosi 1:12-14

Lagaeza Avotimasebo pagaemo mokomo halesama bobo Gotibamubo gae zade'amagimo nanamo lisamahebo ganitobo pato'ema namo pagae'esebo lisamahebo leke paina pato'ema delogamo mokomo halegae. Hegotonamo Setenibamubo gava hunisebo lapagovibo lagaetobo gava hima bolava hemetimo Gotibamubo Seteni anutavitibo lau'vailona vatobo latonisebo gae Bade'ahebo sipi huna haina fali'ema Bademamubo lagaetobo gava hisimahebo lato'ize. Goti Bade'amamubo lagaemo lahabaona gavedamo lina suhona latolona ho'asima gavatimo lina zagau huna tale.

Luku 19:10

Dagaemo Zademo Habalote Demo omumamo gagimo pagotamo laga hegana fenene hi'isama zademo gavu aoloda fahabaoda pau'vaesumahebo omuve huna hapaize.

Leveleseni 5:9

Zokemo bogo sauva zokemo hida nahida bakomo tae: Zademagimo kabagigaka faline hida. Falipamo bukibuki haopaloga zademo lika Gotitogamo patesapahebo bina faine hida. Ligibo bukibuki haopaloga zademo vato vato panomo ne'aima zademo bina faine hida. Nahuka bina faipa bosebo ligibo fotogo demo baipagaka nabukumomo lika takalogane hida. Gabemo aote namo lika hava'amo takalogapamo hane hida hae.

Kalaisiti gola'alotibo bina faina lato'ize

Efesasi 1:7

Kalaisitibo ligibo soko gavabo vavu lina huna latona-hebo omina falina late. Falina latema bobabo gola'alotibo ho'asima gavatilobo binamo balona latona gavedamo galu vaona latolona ho'asima gavatimo lina zagau huna tale.

1 Pita 1:18, 19

Pagaemo nagemo o'havi'amamo hane: Hegotetamo hepa gavabo hile hae. Genaga gemo etototinamagi gema kekebo hile hamatobo ligibo afahabaesima gavatogagobo gavedalobo baima bolava Gotibamubo fahabaona a'ina ho'asima gavababo pamema gavedamo lina galu vaona pategatina hemetimo hava'amo bai'ae. Hima bolava Gotibamubo fahabaona pau'vaesimahebo havana bina'amo balona apate. Ma'igopavi monilotibo golimunimo talogo faipa hisima namo talogo huna binamo abaleva sipi binagevamo Kalaisiti gola'alotibo bina faina pate. Kalaisitibo falina latemamo hegotedamo ho'asima gava'inalosebo sipisipi galema bademo bageda Gotibo mima gale'agakata huna falinisebo ligibo havana lapalebo a'aogo ligibo bogo havanato huna faipa asugo hu'ima demo baemagana falina late.

1 Zoni 1:7

Gae Bade'amo Zisasi golababo laipa lagetamo lina galavu huna no'lategata ho'asima gavatimo laipavibo ligibo a'hanogize.

Hibulu 9:14

Hama bolava Kalaisiti golababo gasaona bogo'e huna lina dagokala huna no'late. Falina latemamo gae Aune Me'amo baigo baigo huna baesima Aune Me'amo apuvalotibo lagae ho'asima gavatilosebo gae aova'amo ligibo galavu huna hanema auvamo Gotibo milona gola'amo hima golababo laipa lagetamo lina dagokala huna late. Hegototamo baupamo baigo baigo laune lamebo a'lamisima auva gavato bo baupa bolava hemetimo Gotibo baigo baigo aune me'a'e dema fozamo lisupahebo dagokala huna late.

Kalaisititogamo bubalesopa bobo lahabaona lau'vaigize

Efesasi 2:8, 9

Gotibamubo pagaemo fahabaona pau'vaemamo hegotetamo soko gavabo hama bosebo afahabaeva gae'amamubo hava'a gahemo fahabaoguve huna hulona fahabae. Zisasitogamo pagetamo haveta fotogo hama bosekobo Gotibamubo soko huna patolona fahabaona pau'vaize. Nagi pagaemo hegotetamo soko gavabo hamatosebo afahabaeva gae'agobo haematobo balona fahabaona pau'vaema bosebo pagaemo ifu'afu hita pagae pagitenamo lita saga hesama gemo ligibo a'hano'ize.

Lomu 5:1

Lagaemo gaetogamo lagetam havita fotogo hu'upa bosebo Gotibamubo lagonisebo fotogo zademo baize huna lage. Himagata lagae Sipi Detimo Zisasi Kalaisitibamubo lahabaona Gotitogamo bogoko laipa lagetamo balona latolegata bogokopibo bai'une.

Zoni 6:28, 29

Nahida Zisasisebo loka heda havize: Lagaemo haiza gavabo hisupa bobo Goti fozamo lisune hida. Hagana Zisasibamubo fahapainisebo Goti fozamo nahuna hane huna: Gotibamubo dahavaegada omuma delogamo pageta haveta fotogo hesama bobo Goti fozamo ligae huna hize.

Zoni 20:31

Ma'ina gemo gaomamo pagaemo Zisasitogamo pagetamo haveta fotogo hesamahebo nokaove. Zisasibo ligibo Goti Bademo bai'ize hita hileta Gotibamubo leke pai'ema demo Kalaisitibo bai'ize hita haveta fotogo hileta gae apovalotibo baige baige hita baesama paune pamebo lisamahebo magemo nokaove.

Gotibo hao'amo huna lami'ize

Samu 103:11

Gotisebo pamotomo aegana gae gi'amo lida saga nesama zadehebo lusi huna hao'amo huna nopamize. Okulumabo igopama aovalobo a'haneva bogo'e huna fotobo hano'ema auva gavabo huna Gotibo a'ina zadehebo bogo'e huna hao'amo huna nopate.

Samu 103:17

Gotisebo pamotomo aegana gae gi'amo lida saga nesama zadehebo buki vitabo hao'amo huna pamilo nosize. A'ina zademagi bade'inalogamo pagehu'inamagitoga'esebo fotogo gavakobo huna patogize.

Maika 7:18

Gotio, gotibo bogobo kagaekata huna abai'ize. Bogoamo ligibo abaida kagaekamo zademo nofahabane. Kai-pamo loka patogo patogo huka abaika hagaobo huka pamite bosebo sipi huna hagaegaka kgae zdekamagi hoasima gava'inamo lika zagau huka nopatane.

Zelemaia Hai 3:22, 23

Sipi Demo lagaesebo haina falegana hao'amo huna lamite gavabo suno'ase. Hiva buki buki vitabo hao'amo huna no'lamema bosekobo faipa no'asune. Olaga detebo lahabaema gavakobo huna egamo hemeti dete'esebo huna no'lahabae. Ligi geloga demo baemagana huguve huna hu'ima gavakobo nosize. Bogo vitabo hohuna lahabaolona bogo vitabo hohuna a'lahabaolona no'asize. Nahuna no'asiva buki vitabo bogo'aiza gavakobo huna lahabaolo nosize.

Taitasi 3:5

Lagaemo lahabaona lau'vaize. Hima bolava lagaemamutamo fotogo gavabo bogo hupa bosebo lahabaona lauvaina a'lateva gae'amamubo haobo huna latema bosekobo lahabaona lau'vaema bobo laipa lagetamo dago-kala huna latolona gae Aune Me'amamubo sauva laune lametimo lamegata ligibo sauva zademo habalone.

Gotibamubo dagaetogamo ezo huna ge'ae

Aisaia 1:18

Sipi Demabo hunahebo egatao huna. Gemo lita fotogo hugune huna. Pagae ho'asima gavatinamo ogule namo hanema bolava lida galavu huda patenagatina faepae hita ligibo vase'vaze hita baegae huna hu'ize.

Leveleseni 22:17

Goti Aune Me'amamubo eno huna hize huna. Higana Sipisipi Galema Bademamubo lite ababo eno huna hize huna. Nagi pagaemo nagemo havi'esama zademagi'esebo eno hita hizo huna. Nagi pagaemo zade bogo'amo nisebo fahai'esimamo ezo huna. Eta dete bosebo fahai'esimamo egadao hava'amo gahemo pamugatina deleta nalotibo afalita hava'amo baige baige hita baegae huna hize.

Aisaia 55:1

Sipi Demabo nahuna hu'ize: Ezo huna. Buki'amo nisebo fahai'esimamo nitogamo ezo huna. Monitinamo a'hanema bolava eta bina faeta dezo huna. Nibo desama nalobo bina'amo abaleta hava'amo gahemo eta dezo huna hu'ize.

Zoni 7:37

Zuda zademagi fevitabo suhesimahebo himapibo henaga vitabo ligibo sipi vitabo hane hida hama vitabo folo aize. Folo aema vitabo Zisasibo hetinahebo buki zademagi paulagalobo hetina sipi gemo huna nahuna hize: Pagaemo nisebo fahai'esimamo dagaetogamo eta dezo huna hize.

Matiu 11:28

Dagaetogamo ezo huna. Pagaemo gatamo lileta genaga bonolatogamo balesamahebo apomo faileta goselebo fahao'esima vemo ademagilamo dagaetogamo egadao dagaemadamo fahabaogatina fahageta baegae huna hize.

Zade bogo'amo Goti bademo abai'ae

1 Zoni 3:10

Zademo fotogo gavabo asige ito epago pagana'enamagi-sebo fahaina afaligo hi'isamamo Goti bademo abaize. Hima bosebo zademo pagotahebo Goti bademo baize hugo Seteni bademo baize hugo huta pagota aeto hugupamo hane.

Lomu 8:14, 15

Gagimo Goti Aune Me'ama kekebo nesesama zademo Goti bademo bai'ae. Gotibamubo gae Aune Me'amo lamema Aune Mebamubo gavedamo lamegata lu'amo lamotomo aita abaisupamo haneva gae Aune Me'ama-mubo lagaemo Goti bademo lina lategata gae apuvalotibo Gotisebo Avo huta. Avotimagae huta geno'aone.

Filipae 2:15

Ho'asima gavatinamo a'hanenagatina zade'i paula-galobo baeta fotogo heta baesamahebo soko gavakobo hizo. Hileta hemeti vava'alobo ma'igopavibo bai'etahebo fotogo gavabo taleda suheleda ho'asima gavabo nesama zade'esebo baima bolava pagaemo fotogo gavakobo hile hizo. Goti bademo baimagatina ganikata hita bai'etahebo a'ina zademagimo visama gitobo ganibo aeta patezo.

2 Kolini 6:17, 18

Sipi Demamubo nage'esebo hize: Pagaemo ho'asima zade'esebo lokaeta abaita pataleta baeta paheta baezo huna. Ogule gavatogamo ligibo a'avisamamo pagaesebo dagae zadedimo bai'ae huda pagavaiguve huna. Pagavai-loda Avotinamadamo baiguve huna. Bai'ugatina dagaeza badedimo abadedimo baegae huna. Hakeli'a apuva'e demo Sipi Demamubo nahuna hize.

Zoni 1:12

Asama bolava bogo'amo gaetogamo bubaleda pagetamo haveda fotogo hama zademo leke painahebo Goti bademo baegae huna leke paegana Goti bademo habalae.

Gotibamubo hakeli'a nisebo hu'ize

Galesia 5:19-21

Pagae paipa pageta'inama kekebo nesama zademagimo nagavabo nesagata pagota aeto hu'une: Vemo ademo patobo vazu hileda ligibo ho'asima galipaipamo higana ogule gavabo nesae. Hileda savi namo panota'ipitibo lohama nalogagobo bakomo baleleda nalisamo nesae. Hileda pagae'enahebo fahaegana zade bogoahebo paipagavamo fahagana paipamo leda pateleda gamemo fahaeleda finamo nesae. Hileda bogoko paipa pagetalobo abaleda baeda gaheda nebaize. Hileda bogo vato zade'i nahebo galipaipamo higana nibo deda degimo baleleda ho'asima ogefagemo hileda na'auva gavakavabo ligibo ho'asima gavabo hile nesama gavabo pagaemo asizo huda hegotodamo fahapaumagada hemetimo lu'amo nahuda nofahapauve: Na'auva gavabo ho'asima gavabo nesesama zademo Gotibamubo gava noseमतogamo vida a'haigamagizo ehetinao.

Lomu 13:13, 14

Zademo fegafega gana'alobo fotogo gavabo nesama auva gavabo higatao. Ho'asima zagitamo hugo nibo dolota degimo balogo vemo ademo patobo vazu hugo lauzamo hisima auva gavabo hugo luvagemo vaigo lainebo fahaigo huta asisupamo hane. Hiva pagaemo Sipi Demo Zisasi Kalaisiti'esebo lokaeta baimagatina hegoto paipa pagetamabo hizo huna himatobo baleta abaita pagaetenamagilamo ho'asima gavabo hite bosebo fahai'esima gavabo hile asizo.

Polovepu 23:31, 32

Goka talenagana hakeli'a nibabo kami hulesize. Kapupibo ganagana gaeda baleda huna soko hugima bolava nahugigasena hize. Denagasebo kalugotobo soko hugima bolava baloka havikisebo gavadagalemabo haggagana kaisesebo dema gavabo hulogimagi ehekao.

Okulumapibo vato vato gitotibo haigune hida nesama bolava vida a'haigae

Matiu 22:37, 38

Zisasibamubo nagemo fusafasa gemo hane huna: Kagaemo Sipi Demo Gotikamasebo sipi huna haina falenagaka kaipa kagetamo miloka kaune kamekamo miloka kagetamo no'havipa kageta'esebo miloka huvo huna hu'ima bonola gena ligibo fusafasa gemo hanolona sipi gemo hano'ize huna hize.

Maki 10:17-22

... Debogobamubo gupa aina ona leta faina Zisasisebo soko Bono Dezo huna. Dagaemo haiza auva gavabo huloda baigo baigo huda baesuma daune damebo lisuve huna. Higana haiza gava higaka dagaesebo soko dezo huka hane huna. Soko zade bogo'amo abai'ava Gotikobo bogokotomo soko demo bai'ize huna. Bonola gemo o'havi'ane huna. Zademo fahaeta afalizo hulo ademo aeta gape haleta a'alizo hulo gumi namo adezo hulo hepa gemo asizo hulo hepa ge'ahebo zade'i namo pafaleta a'alizo hulo avotinamagi itatinamagi gemo havezo hulo hu'ima gemo o'havi'ane huna. Higana Bono Dezo huna. Gakolamo bai'udahebo buki gemo hapa gema kekebo humo vuda hemeti'esebo nosuve huna. Higana Zisasibamubo go'unahebo a'ina dehebo sipi huna haegana nahuna hapaize: Kagaemo gavala bogokotomo asu'apa gavabo hisapamo ligibo hanogize huna. Himagi vuka kagaetobo hano'ema namo lika vuka zademagimo kagaetotibo bina faeda kamesama zavabo lika vuka hetama aika zavabo hanona apato'esima zademo pamika suhoganao okulumapitibo soko namo ligane huna. Pamika suholokahekobo oka dagae dake dakebo huvo huna. Higana havema bolava fenobo gaetobo hanona to'ema namo vavu namo hanema bosebo aipalobo gata higana gotamo gosilona talona vize.

Ho'asima gavabo hizo hisama gemo a'havizo

1 Zoni 3:7, 8a

Badedimagila zade bogo'amagimo pagetamo faeda pamibalelegamagi ehetinao. Fotogo gavabo nesesama zademo ligibo fotogo zademo bai'ae. Kalaisitibo fotogo demo baema auva gavabo hida. Ito Setenibo ho'asima gavaba aepa'amo baemagana genagamo fusafasa'amo ho'asima gavabo humo vuna vuna hemeti'esebo ho'asima gavakobo nosema bosebo ho'asima gavabo nesesama zademo Setenitogatibo nesae.

1 Kolini 6:9, 10

Ho'asima gavabo nesama zademo Gotibamubo gava hisimatogamo a'avigae gemo a'havi'avize. Vemo ademo patobo vazu hige savi nalogagobo bakomo balege abo aeda gape haleda lige ade'itobo nesama gavabo hida bogo ve'itokobo ho'asima gavabo hige gumi namo lige bogo zademagi nahebo galipaipamo hugo nibo deleda degimo balege zademagi pagemo hida faipa hige bogo zademo hida pamibaleda pagae na'inamo gumi namo lige nesama zademo Gotibamubo gava hisimatogamo a'avisama bosebo haveta fotogo hezo.

Zemisi 1:22

Hima bolava a'ina bono gemo havetahebo hava'amo mega kovetu'alokobo a'havita lita paipa pagetavikobo baleleta a'ina gema kekebo hizo. Hava'amo paova kovetu'alokobo haveta talesamamo havi'upa zademo bai'une hita hepa ge'ahebo hita pagaetenahekobo pamibalegamamo hane.

Galesia 6:3

Pagaemo bogo'amo pagetamo havetahebo lagaemo sipi zademo baune hita pagetamo ne'havesamamo pagaetenahekobo hepa pagetamo ne'havegae. Hava'a nauva namo bai'ae.

Ho'asima gavababo falite namo folo no'aize

Lomu 5:12

Bogoko demo Adamubamubo ho'asima gavabo hima gavatotibo ma'igopavibo ho'asima gavabo folo aize. Hulegana ho'asima gavabamubo zademo falite namo lina folo aize. Hima bosebo lagaemo ma'igopavi zademo buki'amo ho'asima gavabo hu'upa bosebo falite namo vuna ona higata buki'amo nofalune.

Zemisi 1:15

Lamibalegata lagaemo ho'asima laipa lagetamo havupa bobabo sipi higata vato vato auva gavabo ho'asima gavabo nosune. Nagi ho'asima gavabo nosupa gavabo sipi hulona falite namo egata nofalune.

Lomu 8:6

Lagaemo hegoto laipa lagetama kekebo nosesupamo falilota lagetamo laga hugize. Ito Goti Aune Meba kekebo nosesupamo baigo baigo laune lamebo lilota laipamo lahagegata baigune.

Esikielo 18:20

Gagimo ho'asima gavabo hi'isama ve'adegobo falegae. Pagavubo gite namo gahemo pagavubo akigize. Debogobabo gavebo donisebo avo'amabo ho'asima gava'alobo dogo bade'amabo ho'asima gava'alobo dogo asugize. Hiva fotogo ve'ademo bina'inamo fotogo hedagobo linagana ho'asima gavabo hite vemo bina'inamo gavekobo degae.

Luku 15:32

Hima bolava hemetimo dotenamo dota lamogagamo aesupamo hane huna. Kaganakamabo obo falize huta hupamo lu'amo hetima bosebae huna. Obo fenene hulemapitibo lu'amo gota hoku hupa bosebae huna hize huna fahapaize.

Polovepu 11:19

Gagimo fotogo gavabo hisamahebo apomo faesama zademo baige baige hida baegava gagimo ho'asima gavabo hisamahebo apomo faesama zademo falegae.

Kalaisitibamubo falite namo gasao'ize

Zoni 11:43, 44

Zisasibamubo nahuna aulagamo fali gaona suholona hakeli'a gemo huna ge'aona Lasalasio huna. O'hetika omizo huna. Nahuna higana a'ina falema demo hetina omize. Omimamo falegana lavolavolotibo giza'anota'ese hau'hazapa'esebo ta'aeda tama lavolavo'esebo omima bosebo nahuna Zisasibamubo fahapaize: Lavolavomo ta'aeta tama namo galu vaeta teleta hava'a taleganao vugimagizo huna fahapaize.

Luku 7:14, 15a

Lina balona vuna falema dema aimutalobo anotamo balona tegana zanava lilida ama zademo a'ilobo hetida bai'agana Zisasibamubo badedimagae huna. Dagaemo nokahapaumagi hetizo huna. Higana nademo falema demo hetina gezagemo hize.

Zoni 10:17, 18

Dagaemo zadedimo fahabaesomahebo falida patogesebo henaga'amo lu'amo hetiguve huloda faliguve huna. Hegamo asoda hava'a falida patesomahebo huma bosebo Avodimabo dagaesebo sipi huna haina falize huna. Dagaemo he huda asisumamo zademagigobo dabageda afaligamamo hanema bolava dagaedimamudamo zadedimo fahabaesomahebo falida patoguve huda huma bosekobo dabageda falegae huna. Dagaemo falite boto'ese lu'amo hetisuma boto'esebo ligibo dagaedimo gava hu'uve huna. Dagaе Avodimamubo nafozamo damilona gava huvo huna higada dagaedimo gava hu'uve huna hize.

Levelesenі 1:18

Dagaemo baigo baigo daune damedі'e demo bai'uve huna. Dagaemo hegotodamo faluma bolava hemetimo dago'apize huna. Lu'amo afalida baigo baigo huda baesumahebo hetida bai'umagada zademo falite nalobo gava huloda nagi falileda vida baite gumato'esebo gava hu'umagada gitamo nesagima namo kibo li'uve huna hize.

Gotitogalibo li'upa bonola gemae

Diutelonomi 5:7-21

Gotibamubo nahuna hu'ize: Hepa gotigi pake pakebo asita dagae dake dakekobo hizo huna.

Bakomo balegesebo savi gotibo lo'asizo huna. Bakomo balesama auva namo lohileta bakomo abalezo huna. Okulumapinaga nipinaga ma'igopavinagamo hano'esima nahebo pagetamo ne'haveta vavezafa'amo lohileta pale-tamo faeta bakomo abalezo huna. . . .

Hulona nage'esebo hu'ize: Sipi'atinamo bai'umagi Gotida dagimo gahemo a'aezo huna. Gahemo dagimo aesama vemo ademo gavebo degamagi eheta huna.

Ipalagi epavagi fauminagamo baileta ge'inamo haveta pake pakebo hizo huna. Sipi'atinamadamo Gotidamo fahapauma gelobo baleta havezo huna. . . .

Vemo ademo pabageta afalizo huna.

Li'isama adelobo gehita a'havizo huna.

Gumi namo atizo huna.

Savi kotimo hita apatezo huna.

Vato ve'i adehebo tetemo faeta hiko paulagamo apa-gezo huna. Apageta zo'inamo foza'inamo foza ve'ade-inamo gale'inamo vato vato na'inamo hanona pato'esima na'inahebo galipaipamo asino huna hu'ize.

Goti aulagalobo afalakigane

Zopu 34:21, 22

Gotibamubo buki vitabo zademagimo nesama gavabo nopage. Ho'asima gavabo nesesama zademo falakita bai-uta nosune hida pagetamo havegama bolava Goti aulagalobo lapagomabo lina falakina apatogiva himeneda hisama gava'inamo nopage.

Samu 139:8, 12

Gotigamo kagae kaulagalobo ho'asima gavadimo fala-kesuve gehebo dagaemo okulumapinagamo haida baigo ito zademo falileda vida bai'ama gumatogamo lamida baigo huguma bolava a'ina gumatobo bai'ane. . . . Nagi lapagomabo lina falakina datogize huda huguma bolava kagetamo havite nalobo lapago'agatabo huna a'hano'eva lapagomo ligibo fegafegagatakobo hu'ize. Gotiga kaulagalobo gola lina halote na'e lapago'ebo bogo'aiza hu'ize.

Zelemaia 23:24

Sipi Demabo hunahebo dagaе daulagalobo falakeda baesama haopamo bogo ligibo havanato'amo a'hano'ize huna. Zademo falakeda bai'enagada dagaemo apagesuma haopamo hano'evize huna. E'e. A'hano'ize huna. Dagaemo ligibo buki buki haopalogamo okulumapinagamo igopavinagamo baida suho'uve huna hu'ize.

Polovepu 15:3

Sipi Demabo buki gavabo noke. Bukibuki haopalogamo bai'ama zademo soko gavabo hige ho'asima gavabo hige nesagana nopage.

Luku 8:17

Bukibuki namo hemetimo zademagimo aeda bi'ai'esama namo henaga'amo folo ailo falakibale'esama na'esebo henaga'amo halesimatobo folo aenagata gota aeto hugune huna hize.

Gotibo hai'ema navibo abai'ama zademo zulegevabo aeda baegae

Matiu 13:41, 42

Dagaemo Zademo Habalote Demamudamo enisolezuva-dimo fahavaiguve huna. Fahavaugana zade bogo'amo ho'asima zademagimo zade bogo'amo lida faipa hige vato vato auva gavabo fotogo asu'ema gavabo hige nesesama zademo pagavaegae huna. Zade bogo'amo Goti kekebo nesama zade'esebo bai'esamapitibo pagavaileda eda dupu hida pateleda sipi halivibo lida zagau heda gaeda patalegae huna. Patalagana zulegevabo aeda sipi haibo teda fahamotamo hanige tamagu hige hida baegae huna hize.

2 Pita 3:7

Hima bolava hemetimo okuluma'ese ma'igopa'esebo hanegata nokopa nahebo Gotibamubo gemo bogo obo hubalo'ize. Ma'igopa'ese okuluma'esebo hava'a hanomo vuna henaga'agobo halemabo lona suhogize huna hize. Himagana buki buki zademo Gotibo tale'esama zademo kotimo huna patolona ligibo lina pagotamo laga huna patesema vita'amo a'ina okuluma'ese igopa'esebo halemabo lona suhesimahebo hize.

Matiu 18:8

Kagae kanota demabo ho'asima gavabo hugo kagiza demabo hepa gibo aogo hisapa bobabo lina faipa huna katesemamo aika gitagika talo huna. Taloloka baigo baigo kaune kamekamo lisapamo fotogo hugize huna. Ito kamotamo kagizakamo lele huna hanenagana halemo lona su'asesima gumapibo lina zagau huna katesemamo ligibo ho'asugize huna hize.

Matiu 25:46

Nahuda fahapailoda fahavaida patalodahebo vida ho'asima gumapibo bai'eda pagotamo laga hegana zulegevabo aige aige hida baesamahebo fahavaida pataloguve huna. Huloda bogo gaiga zademo fotogo zademo fahavau-gana vida baige baige hida baesama guma'itogamo vida baegae huna fahapaize.

Sipi kotimo folo aigize

Elesa 17:31

Hulona leke pai'ema dema gelotibo ligibo fotogo gava-kobo huna buki buki haopaloga vemo ademo hetama aesima gana'amo obo leke paibalo'ize huna. Hulona lagaemo nademo leke pai'ize huta gota aeto hisupahebo falemapitibo lina hetina to'ize huna fahapaize.

2 Pita 2:9

Genagamo Gotibamubo nahuna gae zademo fahabae-gana hava'amo baima gema aepa'amo nahuna hano'ize: Goti kekebo hi'isama zademo gatamo ligamamo hanema bolava Sipi Demamubo fahabaenagana huna pamibale-sema gavabo asisama getamo havilona ho'asima gavabo nesesama zademo gavebo fahaesema geta'esebo o'havi'ize. Ho'asima namo pamimo vuna henaga'amo kotimo huna patesema bosebæ.

1 Zoni 4:17

Lagaemo ma'igopavibo bai'utahebo Kalaisitibo bai'ema de'agakata huta bai'upagata zade bogoahebo sipi huna lahaina falize. Hima bosebo henaga'amo Gotibamubo buki buki zademo hetama aina kotimo huna latesema vita'amo lamotomo a'aita baigune.

Hibulu 9:27

Lagaemo ma'igopavi zademo bogoko vitatomo faligupamo hane. Falenagana Gotibamubo kotimo huna latogimamo hane.

2 Kolini 5:10

Lagaemo buki'amo henaga'amo Kalaisiti aulagalobo bai'unagana kotimo huna latogize. Lameto lameto huna kotimo huna latonahebo ma'igopavibo baupa vitabo ho'asima fozamo ligo soko fozamo ligo hu'isupatobo kotimo lahaigize.

Lomu 14:12

Henaga'amo lagaemo nosupa laune lamesebo lameto lameto hutagobo Goti aulagalobo bai'uta aota hakalo hugupamo hane.

Zisasibamubo gae'amo gahemo no'lahabae

Lomu 5:15

Hima bolava lole'iza'amo bogoko gavabo asa'ava Gotibamubo gahemo no'lamema gavabo bogo vato auva gavabo hanemagana Adamubamubo ho'asima gavabo hima gavabo gasaona hane. A'ina bogoko vekamamubo ho'asima gavabo hima bobamubo buki zademo nefalima bolava Gotibamubo gahemo soko huna latote gavabamubo falite gavabo gasaemagana buki buki zademo soko huna no'late. Bogoko vekamo Zisasi Kalaisitibamubo lahabaona soko huna latema bosebo Gotibamubo gahemo no'lamize.

Lomu 9:16

Hima bosebo pagae'enamagimo hidahebo Gotibamubo lagaemo leke paigize hida hama bosebo leke no'apaize. Ito pagae'enamo hakeli'a fozamo netima bosebo leke no'apaiva Gotibamubo dahaobo huda patoguve huna hima bosekobo leke nopaize.

1 Pita 5:5b

...Goti gemo gaedahebo ifu'afumo hite zadehebo Gotibo gotamo gosina patema bolava ifu'afumo asite zademo soko gavabo huna nopate.

2 Kolini 8:9

Lagae Sipi Detimo Zisasi Kalaisitibamubo soko huna latema bosebo o'havi'amamo hane. Hegotonamo okulumapibo bai'una buki buki namo ligibo gae na'amo hanegana ligibo etofa huna baema bolava buki buki namo talona ma'igopavibo omina baemamo ma'igopavi zademo nauva namo baupa zade'agakata huna habale. Nahuna habalemamo pagaemo fahabaegatina etofa namo baige baige hita baesama namo lisamahebo ona omize.

Elesa 4:33

Sipi Demo Zisasibo lu'amo heti'ize gemo elesa vemagimo hakeli'a gemo hida aeda hakalo heda fahapai-gana Gotibamubo buki buki zademo gae badehebo sipi huna haina falegana fahabaolo hize.

Ho'asima gavabo ligibo talezo

Elesa 17:30

Hegotedamo zademagimo Goti gemo a'havida hama gavasebo Gotibamubo gemo afahaima bolava hemetimo bukibuki haopaloga zadehebo fahapainahebo pagaemo ho-asima gavatinamo aeta hagalaе aeta talezo huna nofaha-paize.

Luku 13:3

E'e huna. Ligi gemo nofahapauve huna. Pagaemo ho'asima gavatinamo aeta hagalaе aeta atalesamamo pagae'esebo buki'amo pagotamo laga hugimamo hane huna hize.

Matiu 3:2

Gotibamubo zade'itobo gava hisima gana'amo o'ali himagi pagaemo ho'asima gavatinamo aeta hagalaе aeta talezo huna fahapailo hize.

Elesa 2:38; 3:19

Pitabamubo nahuna fahapaize: Pagaemo bogoko bogoko hita ho'asima gavatinamo aeta hagalaе aeta taleleta Zisasi Kalaisiti gi'alobo nipibo haeganao huna. Gotibamubo ho'asima gavatinamo lina zagau huna talolona gae Aune Me'amo pamigize huna. . . . Himagi pagaemo ho'asima gavatinamo aeta hagalaе aeta taleganao Gotibamubo ho'asima gavatinamo dagokala huna zagau huna taleno huna fahapaize.

Esikielo 18:31a

Ho'asima gavatinamo hi'isama gavabo lita zagau heta talezo.

Polovepu 28:13

Gabo ho'asima gava'amo aona hakalo hulona a'ina ho'asima gavatogamo gamevamo mi'esima demo Gotibamubo hao'amo huna migiva gabo ho'asima gava'amo aona bi'ai'esima demo hohuna abaigize.

Ho'asima gavatimo obo lina talo'ize

Esikielo 18:21

Sipi Demamubo hunahebo ho'asima zademagimo nesama gava'inamo buki'amo aeda hagalaе aeda taleleda dagae gelobo baleda suheleda ligibo fotogo gavakobo hida baesamamo afaligava hava'amo baegae huna hu'ize.

Aisaia 55:7

Pagaemo ho'asima gavabo nesama zademo fotogo asima paune pamebo talezo. Ho'asima paipa pagetamo ne'havima na'esebo taleta tagineta Sipi Delogamo ezo. Gotitogamo esamamo hao'amo huna pamilona ho'asima gavatinamo lina zagau huna talolona gekanina patogize.

Matiu 6:14

Zade bogo'amagimo pagaetobo ho'asima gavabo hida patamatobo hava'a pagekaneta talezo huna. Nahita talesamamo Avotinamabo Bigavi Demamu'esebo pagaemo ho'asima gavabo hama gavato'esebo hava'a gekanina patona lina zagau huna talogize huna hize.

Maki 2:5

Lamegana ama vemo gaesebo pagetamo havedahebo nademo hava'a habaona suhona togize hida bubalama'amo Zisasibamubo pagona aeto hulona a'ina dehebo badedizo huna. Ho'asima gavabo vato vato auva gavabo hulo hapa gavakamo lida zagau huda talove huna hize.

Elesa 5:31

Lina hetina tolona Zisasibo aepa demo bailona lagaemo lahabaona lau'vaina lselele zademata ho'asima gavatimo aina hagalaе aina latolona lina zagau huna talesemahebo Gotibamubo lina saga huna anota lamaga'alogramo tegana bai'ize hida hae.

Leveleseni 3:20

Dage'avize huna. Dagaemo gipatinalobo bai'uda hakalu hakalu huda nobaguve huna. Ge'aogatina havileta gitamo sageta datesamamo haida pagaegi'esebo bogokopitibo dotenamo dota baigune huna hize.

Ma'igopavi gavasebo hagaina afalino

Taitasi 2:11, 12

Gotibamubo buki buki zademo lahabaona lau'vaesima-hebo soko huna late gemo Gotibamubo lina folo aegata o'havi'une. Gotibamubo soko huna no'latema gavababo nahuna lina labale: Gotibo talote gava'ese ma'igopavi gavabo hute bosebo lahaite gava'esebo lita taleta suhezo huna. Talolota lagaemo ma'igopalobo baitahebo lagae laune lametilobo soko huta gava hulota fotogo laune lamekobo hulota Goti kekebo hisupa nalosebo lina labale.

Kolosi 3:2

Ma'igopavi nalosekobo pagetamo a'havita okulumapi nalosekobo pagetamo havile hizo.

Efesasi 5:11

Hileta zade bog'o'amo lapagovibo baimagana ho'asima gavabo afahabaesima auva gavabo nesesama zade'esebo baeta lokaeta abaizo. Abaita a'ina ho'asima gava'inamo hita folo aetahebo ho'asima gavabo hae hita aeta hakalo hetagobo fahapaezo.

1 Zoni 2:15, 16

Pagaemo ma'igopavi gavasebo ma'igopavi nahebo ligibo fahaina afalino. Nagi ma'igopavi gavasebo fahaina fali'esimamo Avotimabo Gotisebo fahaina no'afalize. Bukibuki gavabo ma'igopavi gavabo Avotimabo Gotitogalibo no'a'e. Ho'asima vagalilaipamo hute gavabavi nana bogobo golota lite bosebo lahaite gavabavi ma'igopavi namo lisupa bosebo ifu'afumo hute gavabavi Gotitogalibo no'a'eva ma'igopavi gavabo hane.

Aisaia 1:16

Sipi Demamubo hunahebo dagae daulagalobo ho'asima gavabo nesama gavabo taleta suheleta lu'amo asita galavu heta baezo huna hu'ize.

Sauva zademo habalo'une

Esikielo 36:26

Sipi Demabo nahuna hu'ize: Ho'asima paune pamebabo hakeli'a zvakata huna hano'ema paipa pagetamo lida taloloda soko paune pamebo pamiloda sauva paipa pagetamo pamiguve huna hu'ize.

1 Zoni 2:29

Lagaemo havitahebo Kalaisitibo ligibo fotogo demo bai-ize huta havi'upa bosebbo nage'esebo havesupamo hane: Gagimo ligibo fotogo gavabo nesesama zademo Goti bademo bai'ae.

1 Zoni 5:18

Nagemo obo havi'une: Goti Bademo Zisasibamubo laha-baona lau'vaina latema bosebbo Setenibamubo lina faipa huna a'alatogimamo hane. Hima bosebbo Goti bademo bai'esupa zadematamo ho'asima gavabo hulo asugune.

2 Kolini 5:17

Gagimo Kalaisiti'esebo baeda nu'aeda bai'esama zademo ligibo sauva zademo habalae. Gotibamubo lina sauva zademo habalona pategana hegoto paune pamebo suholegana sauva paune pamebo li'ae.

Zoni 3:3

Zisasibamubo ligi getomo hagapauve huna. Zademo gagimo aivaga zademo habaleda sauva paune pamebo a'ali'esama zademo vida a'haigamamo hane huna. Gotibamubo gava hu'imatogamo ligibo haeda akegamamo hane huna hize.

1 Pita 1:23

Pagaemo sauva paune pamebo limamo ligibo aigava zademo habalama bolava ma'igopavi zademo falesama zademagimo lida apatava Goti gemo su'asona hava'a baigo baigo huna baesima gemabo lina pategatina sauva zademo habalae.

Lagaemo ho'asima gava'esebo abai'upa Kalaisiti'esebo lokaota bai'une

Efesasi 2:1, 6

Pagaemo hegotetamo baetahebo ho'asima gavabo ligibo fotogo asima paune pamebo hama bobamubo baige baige paune pamebo a'alita fali'ama zade'agakata hita baize. . . Lagaemo Kalaisiti Zisasi'esebo baita nu'aota baupa bosebo gaemo lina hetina tolona okulumapibo temamo lagae'esebo lina hetina lategata baigo baigo laune lamebo li'une. Kalaisiti'esebo gava huta baigo baigo huta baesupahebo lina hetina late.

1 Pita 2:24

Hulona zavalobo falina latemamo ho'asima gavabo hupa gatatimo gae aova'avibo lilona falize. Lagaemo luamo ho'asima gavabo asuta talota suholota fotogo gavatogamo bailo hisupahebo falina late. Nahida bagigana gavubo gima bobabo lina soko huna late.

Kolosi 3:1, 2

Gotibamubo pagaemo Kalaisiti'esebo lu'amo lina hetina pategatina sauva paune pamebo o'li'ama bosebo pageta havetahebo Kalaisitibo haina Kini Demo habalolona aimutalobo Goti lamaga anutalogamo bai'emagi okulumapi nalosekobo paipa pagetamo havile hizo. Ma'igopavi nalosekobo pagetamo a'havita okulumapi nalosekobo pagetamo havile hizo.

Galesia 5:24

A'ina zademo Kalaisiti Zisasi zademo baima bosebo gaemo zavalobo falema auva gavabo hida hegoto paipa pagetama kekebo hite namo ligibo talelae. Ligibo talama bosebo lu'amo ho'asima galipaipamo asigana ho'asima paipa pagetamo ne'a'havize.

Lomu 6:11

Hima auva gvakobo hita pagaetenahebo nahita pagetamo havezo: Lagaemo ho'asima gavatogamo ofali'upagata ho'asima gavabo lu'amo asugupa Kalaisiti Zisasi'esebo lokaota bai'upa bosebo Gotitogamo sauva laune lamebo hugune hita havezo.

Baigo baigo huta baesupa laune lamebo obo li'une

Zoni 17:3

Bogo vato gotibo abaiva ligibo kagaekamo bogokobo Gotigamo baipagaka dagaemo dahavainagadamo omuma demo Zisasi Kalaisitidamo bai'uve huna. La'agaemo nahuta'a bau'amagata'a zademo baige baige hida bae-sama paune pameba aepa'amo la'agaeti'agobo bai'u'ae huna. Himagana zademagimo kagaetogamo haveda fotogo hile dagaetogamo haveda fotogo hile hisamamo baige baige paune pamebo ligae huna hize.

Zoni 3:36

Zademagimo Goti Bade'ahebo pageta haveda fotogo hi'isama zademo afalida baige baige hida baegae. Hiva gae gemo a'havida gaetogamo bu'abale'esama zademo baige baige paune pamebo a'aligava Gotibamubo aipamo lona patolona gavebo fahaenagana zulegevabo aeda baige baige hida baegae.

Lomu 6:23

Gagimo ho'asima gavatogamo gaokobo nesesama zademagimo bina'inamo falite namo ligae. Hiva Gotibamubo gahemo laminisebo lagae Sipi Detimo Zisasi Kalaisiti'esebo lokaota bai'upagata baigo baigo huta baesupa laune lamebo gahemo lami'ize.

Zoni 5:24

Ligi gemo nofahapauve huna. Zademo dagae gemo havileda dagaemo dahavaema delogamo bubale'esama zademo afalida hava'amo baige baige hida baegae huna. Hima bosebo henaga'amo kotimo huda apatoguva falimapitibo obo hetida baige baige hida baesama paune pamebo obo li'ae huna hize.

Lole lagetamo a'havigatizo

Lomu 8:16

Aune Me'amo gae'amamubo lagae laune lame'esebo bai'una pagaemo Goti bademo baize huna lina labalegata havi'une.

Zoni 14:21

Dagae bonola gemo nagavabo hizo huda nosuma gemo havileda paipa pagetavibo baleleda a'ina gema kekebo nesesama zademo dagaesebo fahaina nofalize huna. Nagi dagaesebo fahaina fali'esima zadehebo Avodimabo haina faligize huna. Hinagada dagae'esebo a'ina zadehebo dahaina falenagada lida pabalogana dagaetogamo haveda aeto higae huna hize.

Aisaia 32:17

Zademagimo fotogo gavabo hisama bobo bogoko paipa pagetalobo baleda fahageda baegae. Lole paipa pagetamo a'havida bubaleda baige baige hida baegae.

Galesia 4:6

Pagaemo hemetimo Goti bademo bai'ae. Lagae'esebo buki'amo Goti bademo baupagata gae Aune Me'amo o'li'une. Gotibamubo havainahebo gae Bade'ama Aune Me'amo havaegana omina ona lagae lainagamo bai'una Gotisebo Avo huna. Avodimagae huna ge'ae.

1 Zoni 4:13

Gotibamubo gae Aune Me'amo lamema bosebo nahuta havi'une: Goti'esebo baita nu'aota baunagana Gotibo lagaegi'ebo baina nu'aona bai'ize huta havune.

1 Zoni 3:18, 19

Badedimagila nagemo havezo: Zade bogo'ahebo lahaina fali'ize huta hugupamo hanema bolava hava'amo savi gemo lahamota'alotikobo asigatizo. Hiva zade bogo'ahebo lahaina falesize gehebo ligi ge'ahebo lahaina falenagata fahabaesopamo hane. A'ina gavabo huta zade bogo'ahebo lahaina fali'esimamo havitahebo ligi geloga demo Goti zademo baune huta havigune.

Kalaisitibo lainagamo baema bobo lamogagamo no'aune

Zoni 17:13

Hima bolava dagaemo hemetimo kagaetogamo uda haesumahebo ali nosuve huna. Huma bolava a'haida ma'igopavibo hava'a bai'udahebo ma'ina gemo huda daulagamo fali nokaomamo dagaemo sipi huda damogagamo no'auma auva gavabo hida ma'ina zadedimo painagamo sipi hida bogo'e hida pamogagamo aeda baesamahebo nosuve huna hize.

Lomu 14:17

Gotibamubo zade'itobo gava hute gavaba aepa'amo dotenamo nibo dezo adezo namo a'haneva gae Aune Me-amo laipavibo bai'egata fotogo laune lamebo hulota laipamo lahagota bailota lamogagamo no'aupa gavakobo hane.

Galesia 2:20

Faluve huda huma gema aepa'amo nahuna hane: Heme-timo ma'igopavibo baumamo dagae daune damediesekobo abauva Kalaisiti aune me'amo dainagamo bai'ize. Bai'egada Goti Bade'alogamo dagetamo havida fotogo huma bosebo baigo baigo daune damedimo liloda soko huda bai'uve. Goti Bademae huda humamo dagaesebo sipi huna haina falegana gae'agobo falina datema dehebo huve.

Zoni 15:11

Ma'ina gemo fahapaumamo dagaemo damogagamo aite namo painagamo havaitona hanenagatina sipi hita pamogagamo aesamahebo fahapauve huna hize.

Samu 16:11

Gotigamo dagaemo baigo baigo daune damedimo lisuma gibo kagaekamo lika daligane. Daovalobo bai'apa bosebo lusi damogagamo no'auve. Dainagamo dahagegada damogagamo aigo aigo huda baiguve.

Sipi Dema gelobo baleta baegatizo

1 Samuelo 12:15

Sipi Dema gemo a'havita bageta talesamamo gavebo fahaogize. Etototinamagitobo hima gavabo huna.

Lomu 6:16

Pagaemo nagemo a'havi'avize: Pagaemo debogosebo kagaetobo gaokobo huta katota kagaemo hisapatobo balogune hisamamo a'ina dema gaoko ve'amo baegae. Hima bosebo pagaemo ho'asima gavatogamo gaokobo hita baesamamo falegae. Ito Gotibamubo hisima gemo havileta gaetobo gaokobo hita baesamamo fotogo zademo baize huna pagogize.

2 Tesalonaika 1:7-9

Sipi Demo Zisasibo hakeli'a enisolezuva'a'esebo okulumabo taleda sipi hali'esebo emida folo aesama vita'amo lahagota baigune. Zademagimo hemetimo pagaemo nepabagima gavebo Gotibamubo suhona latolenagata lahagota baigune. Bai'unagana Gotitogamo a'havida lagae Sipi Detimo Zisasi bono gelobo baleda abai'esama zademo navita'amo Gotibamubo gavebo fahaogize. Gavebo nahuna fahaesemamo Sipi Demamubo fo'alobo huna patenagana gae aulagalobo apuvalobo abaida ligibo pagotamo laga hugize.

Diutelonomi 11:26-28a

Hetama aeta haveta aeto hizo. Gotibamubo soko huna latesize gavabo nesavi faipa huna latesize gavabo nesavi. Ito Sipi Detinamo Goti gemo hizo asizo ge'amo hemetimo huda nofahapauma gelobo baleta baesama bobo gaeamamubo soko huna patogize.

Kalaisitibo Sipi Demo bai'ize hita aeta hakalo heta fahapaezo

Matiu 10:32, 33

Navize huna. Hemeti gana'alobo gabamubo buki zade'i paulagalobo motomo a'ainagana gemo hunisebo dagaemo Zisasi zademo bai'uve huna aona hakalo hu'isima ganomavize huna. Henaga'amo dagae'esebo a'ina auva gavabo huda Avodimabo Bigavi Dema aulagalobo a'ina ganohebo dagae zadedimo bai'ize huda aoda hakalo huguve huna. Hiva hemeti gana'alobo gabamubo zade'i paulagalobo gemo hunisebo Zisasibo ako'uve huna hu'isima ganomavize huna. Dagae'esebo henaga'amo a'ina auva gavabo huda Avodimabo Bigavi Dema aulagalobo a'ina ganohebo ako'uve huda huguve huna fahapaize.

Lomu 10:9, 10

Kagaemo gemo aoka hakalo hukisebo Zisasibo Sipi Demo bai'ize huka huloka kainagamo kageta havikisebo Zisasibo falemapitibo Gotibamubo lu'amo lina hetina te gelosebo ligi gemo hane huka havesapamo Gotibamubo hagabaona kau'vaigize. Lagaemo lainagamo lageta havita fotogo hesupa bobamubo Gotibamubo fotogo zademo bai'ae huna lagogize. Nagi Zisasibo Sipi Demo bai'ize huta havi'upa gemo aota hakalo hesupa bobamubo Gotibamubo lahabaona lau'vaigize.

Luku 9:26

Gabo dagaesebavi dagaemo nosuma gelosebavi auzamo hulona ako'uve huna hu'isima ganomavize huna. Dagaemo Zademo Habalote Demo lu'amo omidahebo dagae dapuvalobo Avodima apuvalobo Goti enisolezuva'i papuvalobo omisuma vita'amo dagae'esebo a'ina ve'adehebavi akago'uma ganomo bai'ane huda huguve huna hize.

Setenibo gametimo laveve huna bai'ize

1 Pita 5:8

Gametinaldo Setenibo fela pusimo laionigakatabo huna bai'emagi ehetinao. Pagaemo pamibalolona lina faipa huna patesemahebo no'humonemagi fotogo pagetamo havileta soko heta zagaeta baezo.

2 Tesalonaika 2:9

Hima bolava a'ina demo bonolabo bagite demo afali-unahebo Seteni apuvalotibo folo ailona zademo huna pamibalesemahebo zademagimo ne'asama auva gavabo huna vato vato auva hakeli'a fozamo ligize.

Elesa 26:18

Kagaemo vuka paulagamo goka zakoka patenagana lapagomo taleda ganitogamo e'e higae huna. Setenibamubo gava huna pato'ematotibo taleda dagaetogamo pagetamo haveda fotogo hileda Gotitogamo enagada dagaemo ho'asima gava'inamo lida zagau huda taloguve huna. Talenagana Gotibamubo leke paema zade'avibo lina dupu huna patogize huna dahapaize huna Polobamubo hize.

Matiu 4:1, 10, 11

Goti Aune Me'amamubo Zisasibo gavailina vuna gabe haopalogamo temamo Setenibamubo huna mibalesemahebo te. . . . Higana Zisasibamubo e'e huna. Setenigamo taloka vuvo huna. Goti gemo gaedesebo Sipi Demo Gotikamatogagobo bakomo baloloka gaetokobo gaokobo huka to hida gae'ae huna. Nahuna hima bosebo Setenibamubo Zisasibo talona vulegana enisolemagimo emida eda Zisasibo habae.

Efesasi 6:11

Havu vemagimo gamemo faegesebo haligubo aileda hakeli'a gakolitamo baleleda halivulimo lile lile hileda ne'vama auva gavabo hita Gotibamubo hakeli'a namo pamema namo lileta baezo. Setenibamubo huna pamibalenagatina faipa hilegamagi hakeli'a heta baezo.

Setenibo Goti apuvalotikobo gasaogune

Hibulu 2:14

Lagaemo Goti bademo bai'upamo laovamo ma'igopavi zademo bai'upa bosebo Zisasi'ebo ma'igopavibo omimamo lagaekata huna zademo habale. Nahuna zademo habalolona falina latemamo zademo falite nalobo zagaite demo Setenibo gasaona lina faipa hisimahebo falina late.

1 Zoni 3:8

Setenibo ho'asima gavaba aepa'amo baemagana genagamo fusafasa'amo ho'asima gavabo humo vuna vuna hemeti'esebo ho'asima gavakobo nosema bosebo ho'asima gavabo nesesama zademo Setenitogatibo nesae. Nagi Goti Bademo omina folo aemamo Seteni fozamo lina faipa huna talesemahebo folo aize.

Lomu 8:35, 37

Kalaisitibo nahuna lagaesebo haina fali'ema bosebo da'uva namamubo lahavaina vatobo latesize. Lagaemo gatamo ligo zulegevabo aigo zademagimo ho'asima gavabo hida latege gavumo hugo gukelavobo hanona a'latogo lagotamo laga hesimahebo ali hugo zademagimo lahaeda falige hisama gavabamubo lagaemo lina vatobo a'latogimamo haneva lagaesebo haina fali'ematogamo baigo baigo huta baigune. . . . Vato vato auva gatamo nolupamo lagaesebo haina falema demo Kalaisitibamubo apova huna lategata a'ina gatamo ligibo gasaota bai'une.

Zemisi 4:7, 8a

Pagaemo ifu'afumo asita Goti haominagamo baeta ge'amo havezo. Hileta Setenitogamo gamemo faeta ge'amo a'haviganao patalona aune hona vugimagi. Nagi Gotitogamo eta aovalobo hita baeganao ona paovalobo huna baigize.

2 Tesalonaika 2:8

A'ina bonolabo bagite demo folo ailenagana Sipi Demo Zisasibo lu'amo ominahebo apovalotibo folo aina a'ina demo lina faipa hulona haevababo haina ge'alotibo bagina faligize.

Zisasisebo lahaina fali'esimamo zadehebo lahaina faligize

1 Zoni 4:20

Lagaemamutamo obo pago'upa zademo e'lago laganatimagisebo lahaina afali'esimamo a'ago'upa demo Gotisebo lahaina afaligimamo hane. Hima bosebo lagaemo Gotisebo lahaina fali'ize huta hugupamo hanema bolava e'lago laganatimagisebo lahaina afali'esimamo a'ina gemo hepa gegobo hugune.

Galesia 5:22, 23a

Zade bogo'amo Goti Aune Me'ama kekebo nesama bobabo soko zava lagamo haeda nahida nesae: Zade bogo'ahebo fahaina falegana bogoko paipa pagetalobo baleda pamogagamo aeda nebaize. Hileda zade bogo-amagimo ho'asima gavabo hida patamatobo lave'amo ho'asima gavabo hida apateda buki buki zade'itobo soko gavakobo hida pateleda nefahabae. Hileda ataleda buki vitabo fotogo gavakobo hileda ifu'afumo asida fana heda baileda hegoto paipa pagetama kekebo ne'asae.

Zoni 21:16

Hulona lu'amo Pitasebo Zoni bademo Saimonigae huna. Dagaesebo hagaina fali'evize huna higana he huna. Sipi Dedimamuga odago'ane huna. Kagaesebo dahai'ize huna higana Zisasibamubo dagae sipisipizuvadilobo soko huka gava huka pato huna hize.

Zoni 13:35

Nagi pagaepitibo zade bogo'ahebo fahaina falesimamo buki zademagimo pageda aeto higae huna. Pagaemo dagae dake dakebo nesama zademo bai'ae hida pageda aeto higamagi bogo'ahebo fahaina faleno huna fahapaize.

1 Zoni 3:14

Nagi lagaemo Goti bade bogo'ahebo lahaina falema bosebo nagemo o'havi'une: Falite laune lamebo talolota baigo baigo huta baesupa laune lamebo obo li'une huta havi'upa bolava zade bogo'ahebo fahaina afali'esima zademo falesama paune pame'esekobo bai'ae.

Zisasi Kalaisitibo falemapitibo heti'ize

Elesa 10:39-41

Vuna ona huna bukibuki gumatogamo lagaemo Zuda zademata gumatobo Zelusalemumo lima fozamo golota nagemo aota hakalo nosupa vemo lagaemo bai'une huna. A'ina vegobo bageda zavalobo saize huna. Bageda saima bolava lole'e bogo'e vitabo vulegasebo Gotibamubo lina hetina tegana folo aegata gone huna. Lina hetina tema bolava bukibuki Zuda zademagi paulagalobo folo a'aiva lagaemo Gotibamubo leke painahebo nagemo aeta hakalo hegae huna leke paema vemata laulagalokobo lina hetina tegata lagaetimo gone huna. Falemapitibo hetina ona lagaegi'esebo dotena'ese ni'esebo dolo hize huna hize.

Maki 16:9

Sale Lagepa'avibo dete'iza'amo Zisasibo geli vaeda tamapitibo hetina talona Magadala abo Maliabo bai'ematobo hegotonamo folo aegana ge. Gema abo gefelemo 7-amo aipavibo baema gefelemo Zisasibamubo afaliunahebo lina zagau huna talema atobo folo aegana ge.

Zoni 20:26-28

Henaga'amo sale bogobo vuleganahebo Zisasi kekebo nesama vemo hala gavabo hida zopibo baedahebo Tomasigi'esebo baize. Gitamo aeda li'aeleda bai'agana Zisasibo vuna baima folagapibo hetina bai'una paipamo fahagenagatina baezo huna. Nahuna hulona Tomasisebo oka dago huna. Dapibo nilimo aima navibo kanotamo baloka go huna. Huloka madahaopavibo hatomo amapibo kanotamo lika baloka go huna. Goloka lu'amo dagaesebo lole kagetamo a'havika kagetamo havika fotogo huka baizo huna. Higana Tomasibamubo Zisasisebo dagaenza Sipi Dedimagae huna. Dagaenza Gotidimagae huna hize.

Lomu 4:25

Zisasibo faligize huna himamo lagaemo ho'asima gavabo hupa bosebo falina latesemahebo hize. Hulona Gotibamubo lina hetina temamo lagaemo lagonisebo fotogo zademo baize huna lagesemahebo lina hetina te.

Lagae'esebo hetigune huta havi'une

Zoni 5:28, 29

Dagaemo nahuda nofahapauma gelosebo pagetamo la'amo a'havizo huna. Henaga'amo dagaemo ge'aesoma gemo bukibuki zademo falilagana geli vaeda pate'esama zademagimo havileda gano gelivitibo lu'amo hetigae huna. Bogo'amo soko gavabo hileda fali'esama zademo lu'amo hetida baige baige hida baige ito bogo'amo ho'asima gavabo hileda fali'esama zademo hetileda kotimo hileda gavebo degae huna fahapaize.

Lomu 6:3-5

Pagaemo nagemo a'havi'ama bosebo nesavize: Lagaemo nipibo no'haopa auva gavabo huta Kalaisiti Zisasi'esebo lokaopamo ofali'une. Hima bosebo lagaemo nipibo haopa bobo Zisasibo falematogamo lokaonagana gaegi'esebo geli vaeda latae. Kalaisitibo falegana Avo'amamubo hakeli'a apuvalotibo lina hetina tema auva gavabo huta lagae'esebo hetilota sauva laune lamebo huta baesupahebo Kalaisiti'esebo lokaota falune. Kalaisitibo falema auva gavabo huta lagae'esebo fali'upa bobo gaegi'esebo lokaota bai'une. Hima bosebo lu'amo hetima auva gavabo huta lagae'esebo hetisupa bobo gaegi'esebo lokaota baigune.

Matiu 16:21

Nalotibo gemo lina fala akiva Zisasibamubo gae kekebo nesama vehebo aona hakalo hunahebo gema aepa'amo nahuna fahapailo hize: Dagaemo Zelusalemumo ligibo vugumamo hane huna. Vuda bai'uganahebo Zuda zadevitibo pagi'e ve'ese bonotobo gava nesama ve'ese bonola gemo lida nepabalama ve'esebo hida ho'asima gavabo la'a gavabo hida datagada zulegevabo aida baiguve huna. Hugana zademagimo dabagigada faliguma bolava lole'e bogo'e vitabo vuleganahebo Gotibamubo lu'amo lina hetina datogize huna hize.

Goti zade'amo baupa bosebobo galavu gavakobo higatao

Luku 1:74, 75

Lagaemo lahabaona gametimagi panutavitibo lau'vaina latenagata lagaemo ligibo lamotomo a'aita gaetogamo bakomo balesopa bosebobo hakeli'a gemo hize huna. Lauvaina latenagata gae zademo baupagata buki vitabo ma'igopavibo baita gae aulagalobo ligibo fotogo huta baigo baigo huta baesupa bosebobo hize huna hize.

2 Kolini 7:1

Edago daganadimagila Gotibamubo a'ina gemo Avotinamadamu baumagada soko huda patoguve huna hugo nahugo hima gemo buki gemo lagaesebo nosize. Lagaesebo hima bosebobo lagaemo ho'asima gavababo laovamo lina faipa hugo lainagamo lina lapalebo aogo hu'isima gavabo taleta lu'amo asigatao. Hulota Gotisebo bakomo balolota ligibo fotogo laune lamekobo hita baegatizo.

1 Pita 1:2

Genagamo Avotimabo Gotibamubo pagaesebo havinahebo dagae badedimo baegae huna leke paize. Gae Aune Me'amamubo fahabaenagatina gae zademo baileta Zisasi Kalaisiti gemo havenagana gae golababo paipa pagetamo dagokala huna patenagatina baesamahebo. Nagi Gotibamubo bogo'e huna soko huna patenagatina paipamo fahageta baezo.

1 Pita 1:15

Gotibamubo pagaesebo ge'ao'ema demo ligibo etofa demo baemagana ho'asima gavabo ligibo no'asima demo bai'emagi pagae'esebo buki gavabo higesebo ho'asima gavabo havanato'amo asita etofa paune pamekobo hile hizo.

Goti zade'amo baupa bosebobo galavu gavakobo higatao

Hibulu 13:12

Hima bosebobo Zisasi'esebo gumatobo bageda afaliva hetogamo zulegevabo aina falina late. Gae zademo baesupahebo gae gola'alotibo lina galavu huna latesemahebo.

Efesasi 1:4

Nagi genagamo Gotibamubo ma'igopamo okulumabo huna lo'asu'unahebo lagaemo leke paize. Kalaisiti'esebo lokaota bailota Goti zademo baupagata gae aulagalobo ligibo galavu huta bailota ho'asima gavatimo ligibo a'hanesimahebo leke paize.

Aisaia 35:8

Bogo gisebo gi'aedahebo galavu hute ginae hida gi'aesama gilatogamo ogule gavabo hi'isama zademo gibo aeda a'avigae. Degimo baleda ho'asima gavabo hi'isama zademo gibo aeda a'avigava a'ina gilatogamo gibo aeda visama auva ve'adegobo vigae.

1 Zoni 1:9

Ho'asima gavabo hu'une huta Gotisebo aota hakalo huta hapaesupamo ho'asima gavatimo gekanina latolona lina zagau huna talogimamo hane. Ligibo fotogo demo bailona ligi geloga demo baemagana laipa lagetamo dagokala huna latenagana ho'asima gavatimo ligibo a'hanigize.

2 Pita 3:11

Bukibuki namo nahuna suhesima bosebobo ehetinao. Etofa paune pamekobo hileta Goti kekebo fotogo heta hile hizo.

Hibulu 12:14

Pagaemo zade bogo'a'esebo finamo asita zusa hitagobo baesamahebo apomo faezo. Hileta Goti zademo baimagi fotogo heta baezo. Ito galavu heda abai'esama zademagimo Sipi Demo akegamamo hane.

Goti Aune Me'amo lainagamo havaiteno

Luku 11:13

Pagaemo ligibo ho'asima zademo baima bolava badega-
letinamo soko nagobo nepamize huna. Nahita nepamima
bolava Avotinamabo Bigavi Demo soko demo baemagana
bogo'e huna pamigize huna. Gaesebo kagae Kaune Kame-
kamo lamizo hita havesamamo pamigimamo hane huna
fahapaize.

Elesa 4:31

Nahida paulagamo fali gaeda suhelagana ma'ina zobo
dupu hida baima zobo lina uti'ati ailona Goti Aune Me-
amamubo paipa pagetavibo havaitolegana golimo asida
Goti gemo hakeli'a hida aeda hakalo heda fahapaize.

Esikielo 36:27

Sipi Demabo hunahebo dagae Daune Damedimo pame-
nagana pagae painagamo baigize huna. Bailona lina paba-
lenagatina dagae gema kekebo hita nagavabo hizo asizo
huda fahapauma gelobo baleta baegae huna hu'ize.

Lomu 8:9

Hima bolava pagaemavize. Pagaemo hegoto paipa
pagetama kekebo ne'asava Goti Aune Me'amo pagae
paipavibo bai'esimamo gae kekebo nesae. Ito Kalaisiti
Aune Me'amo a'ali'esama vemo ademo gae zademo
abai'ae.

Elesa 1:8a

Hima bolava gae Aune Me'amo pagaetobo omina
bailona apova huna patenagatina dagae gemo aeta hakalo
hegae huna hize.

Elesa 13:52

Goti bademo pamogagamo aileda Goti Aune Me'amo
paipavibo havaite.

Gotibamubo lahagesema namo lisupa gemo hu'ize

Samu 34:18

**Paipalobo gatamo hima zade'i pauvalobo Sipi Demo
bai'una nofahabae. Ho'asima gava'inalosebo fahao'inamo
hima zademo fahabaona pau'vaina nopate.**

Aisaia 66:2

**Sipi Demabo hunahebo buki'ibuki namo dagae danutavi-
tibo lohu'uve huna. Lohu'uma navitibo zade bogo'amo
pamokomo halodisebo gagimo ifu'afumo asida ho'asima
gava'inalosebo fahao'inamo higana dagae gelosebo
pamotomo aesama zadegobo pamokomo haloguve huna
hu'ize.**

Samu 37:3

**Sipi Delogamo bubaloka soko kaune kamebo huvo.
Huloka nana bogobabo lina faipa akahainagaka
ma'igopalobo hagagoka baizo.**

1 Pita 4:12, 13

**Edago daganadimagila pagaetobo lusi gavabo folo
aema gavababo hakeli'a gatamo lileta zulegevabo aeta
baima bobamubo lina galavu huna patema bosebo
pagetamo la'amo a'havizo. Bogo vato auva gavabo paga-
etokobo folo a'aima bosebo pagetamo la'amo a'havita
pamogagamo aezo. Hegotedamo Kalaisititobo ho'asima
gavabo hida hemetimo pagaeto'esebo hida patama bosebo
pamogagamo aezo. Henaga'amo Kalaisiti gi'amo
vinagana buki'ibuki zademagimo bakomo tesama vita'amo
pagaemo bogo'e hita pamogagamo aesama bosebae.**

Leveleseni 21:4

**Nagi hegoto gavabo suhogimagana haibo tagana
paunomo hima paunumo Gotibamubo hapina patenagana
lu'amo haibo ategae huna. Ito gatamo a'alida pagavubo
akigize huna. Zademo lu'amo afalisama bosebo
zulegevabo aeda faesagabo faeda haibo ategae huna hize.**

Faipa hute namabo huna lamibalesemamo lagona atalogize

Samu 34:19

Fotogo zade'itogamo vato vato auva gatamo folo no'aema bolava Sipi Demamubo nofahabae. Gatamo netiganahebo fahabaema bobo a'ina gatamabo no'apagasae.

Aisaia 43:2

Sipi Demabo hunahebo lusi gatamo lisapa gatamabo akagasaogize huna. Nibo vali'ema nibo halateda ne'vama auva gavabo huka lusi gatavinagamo vugapa bolava nibo deda nefalima auva gavabo asugapa dagaemo kagaekanebo bai'uda hagabaoguve huna. Lusi halimo no'lema auva gavabo huna gatamo kagaetogamo onisebo kagaemo lina faipa hagaesima gatamo ogize. Ogima bolava dagaemo kaovalobo bai'uda hagabaenagaka faipa asuka baigane huna hu'ize.

Lomu 8:28

Lagaemo nahuta havi'une: Bukibuki namo soko namavi ho'asima namavi huna lagaetobo folo aema vitabo Gotibamubo lahabaona lina soko huna no'late. Lagaemo gaesebo lahaina falema zadehebo ge'aote bosebo haegana ge'ao'ema zade'itobo soko gavabo folo aesimahebo fozamo no'lize.

1 Kolini 10:13

Pagaemo huna pami'nobalema namamukobo buki zade'esebo huna pami'nobale. Hima bolava Gotibamubo fahabaoguve huna hima gavabo hisima demo baemagana fahabaogize. Fahabaonisebo hakeli'a nabogobamubo pagaemo huna pamibalesemamo Gotibamubo pagona apatalona fahabaenagana a'ina namamubo pagaemo lina faipa huna apatogiva Gotibamubo nagavabo hizo huna lina pabalolona apova huna patenagana a'ina namabo pagagina fahaenagatina ho'asima gavabo asigava hakeli'a hita hetita baegae.

Ho'asima gavabo gasaesamamo nagavabo huda patoguve

Levelesen 3:12

Buki gavabo gasaeleta hakeli'a heta baesamamo dagae Gotidima zobo bono zopibo patoguve huna. Lapusa zava-gakata hita baesamahebo patenagatina lu'amo taleta a'emita baige baige hita bai'enagada paovalobo fazabo bogo gaoguve huna. Dagae Gotidima gi'amo gaolo Gotidima gumaba gimo gaolo dagae dagidimo sauva dagidimo gaolo huguve huna. Nagi Gotidima gumalae huda humamo okulumapitibo dagae Gotidimabo bai'ematotibo omisima gumabo sauva Zelusalemuhebo huve huna hize.

Levelesen 3:5

Buki gavabo gasaeletamo hakeli'a heta baesamamo a'ina auva gukelavobo vase'vaze gukelavobo hakaloda patoloda pagimo galaida ataloguve huna. Baige baige hida baesama zade'i bukuvibo pagimo gaomatotibo galaida ataloda dagae Avodimabo Goti aulagalobo bailo gae enisolezuva'i paulagalobo bai'udahebo nazademo dagae zadedimo bai'ae huda pagimo aoda hakalo huguve huna hize.

Levelesen 3:21

Dagaemo hegotodamo buki buki namo gasaolodamo hakeli'a huda bauma bosebo Avodimabo Goti aimutalobo gae'a'esebo bogokopibo bai'uta'a gava nosu'ae huna. Nagi pagaemo buki namo gasaeletamo hakeli'a heta baesamamo dagae'ese pagae'esebo dagae daimutalobo bogokopibo bai'uta gava hisupahebo patoguve huna hize.

Levelesen 21:7

Bukibuki namo gasaeledamo hakeli'a heda baesama zademo a'ina soko namo buki buki namo pamiguve huna. Dagaemo Goti'inamadamo bai'ugana dagae bademo baesamahebo patoguve huna hize.

Abo fahavaeda patalete gavasebo hu'ize

1 Kolini 7:10, 11

Ademagilamo velobo vi'isamamo etetinamo apatalezo huda fahapauma bolava dagaedigobo nagavabo asizo huda asuva Sipi Demamubo huna hu'ima gemo nofahapauve. Huma bolava ala bogobamubo ete'amo talona visimamo bogo vato velobo a'vuna hava'agobo baeno. Ito nahuna asisimamo lu'amo ona ete'a'esebo lida'a fotogo hileda'a bae'eno. Nagi vemagi'esebo a'inamo fahavaeda apataleno.

Lomu 7:2, 3

Nabosebo ete'inamo afalida hava'a bai'esama ademagigobo bonola gelobo baleda ete'ina'ebo lokaeda baesamamo hane. Hima bolava ete'inamo fali'esamamo a'ina ademagimo lu'amo a'ina bonola gelobo abaleda hava'a baegae. Hima bosebo ete'inamo afalida hava'a bai'esama ademagimo bogo vato velobo visama ve'esebo lokaeda baesama adehebo hepa'aizalo alae hida higae. Ito ete'inamo ofali'esamamo a'ina ademagimo a'ina bonola gelobo lu'amo abaleda lu'amo velobo visamamo hepa'aizalo ademo abaigae.

Luku 16:18

Vemagimo a'inamo fahavaeda patalesamamo ho'asima gavabo hida abo lite namo lida faipa higae huna. Ito abo ligesebo ete'amo talo'ema abo lisamamo ho'asima gavabo hida abo lite namo lida faipa higae huna hize.

Matiu 5:32

Hemetimo bogo vato gemo sauva gemo aoda hakalo huda nofahapauve huna: Atinamo ligibo fahavaeta apatalezo huna. Ala bogobamubo ete'amo talona bogo vato vemo atobo lina a'hao'eganahebo ete'amamubo havaina talenagana bogo vato velobo lu'amo vu'isimamo hegoto ete'amamukobo lina faipa huna tegana velobo vute namo lina faipa nosize huna. Ito lu'amo velobo vu'isima vekamamu'esebo ho'asima gavabo huna abo lite namo lina faipa nosize huna fahapaize.

Kalaisitibo lu'amo omigize

Zoni 14:3

Nagi haida lida ali huda patolodahebo lu'amo omida pagavaiguve huna. Pagaemo haeta dagaemo baesumato-gamo bogokopibo baesupahebo omida pagavaiguve huna hize.

Levelesen 3:11

Dagaemo atalabo abaiguva fugiti huda omiguve huna. Bina'amo pamesumahebo omigumagi bono gemo havi'ama gemo lita lagi heta baezo huna. Ito pagaemo soko bina'amo a'alinagana zade bogo'amagigobo lilegae huna hize.

Maki 8:38

Hemeti vava'alobo zademagimo ho'asima gavakobo hileda Gotibo obo talelae huna. Nahida taleda bai'ama gana'avibo gabo dagaesebavi dagaemo nosuma gelosebavi auzamo hulona a'ago'uve huna hu'isima ganomavize huna. Dagaemo Zademo Habalote Demo lu'amo omidahebo dagae Avodima apuvalobo Goti enisolezuva'esebo omisuma vita'amo dagae'esebo a'ina ve'adehebavi akagouma ganomo bai'ane huda huguve huna hize.

Matiu 24:30

Okulumapibo aepa faina folo ainisebo dagaemo Zademo Habalote Demadamo lu'amo omisuma namo folo aina zademo lina palenagana gegae huna. Bukibuki haopaloga zademagimo geleda haibo teleda gedesebo dagaemo Zademo Habalote Demo okulumapibo hitalobo omidahebo apova huda sipi ganibo aesemapibo oda omugana dagegae huna hize.

Matiu 24:27

Dagaemo Zademo Habalote Demo folo aesuma gana'amo nahuda folo aiguve huna: Okulumapibo gobabo fainisebo faina vego huna vuna ona nosejana buki zademagimo nekama auva gavabo huda folo aenagana buki zademagimo dagegae huna hize.

Kalaisitibo lu'amo omigize

Elesa 1:11

Nahida'a ha'ae: Pagaemo Galili vemo haiza gava hitamo heti'ita okulumapinagamo paulagamo ne'lize hida'a. Zisasibo hemetimo Gotibamubo gavailina okulumapibo haegatina ge'ama demo a'ina gavakobo huna lu'amo omigize hida'a fahapai'ae.

Luku 21:27

Dagaemo Zademo Habalote Demo folo aidisebo hitalobo apova huda sipi ganibo aesemapibo oda omugana dagegae huna. Nagavabo folo aenagatina gesama vita'amo pagaemo pamogagamo aeta fahageta baezo huna. Gotibamubo pau'vaesima gana'amo obo ali hu'ima bosebae huna fahapaize.

1 Zoni 3:2

Dao'zadedimagila lagaemo hemetimo Goti bademo baupa bolava henaga'amo haiza auva zademo habalesopi huta havita aeto asu'une. Asupa bolava nagemo havita fotogo hu'une: Henaga'amo omina folo aesima vita'amo gota aeto hugune. Haiza auva demo bai'esivi huta ligibo gota aeto hisupa bosebo henaga'amo gae'agakata huta baigune.

Matiu 16:27

Dagaemo Zademo Habalote Demo lu'amo omisuma vita'amo dagae enisolezuva'esebo Avodima apuvalobo omiguve huna. Omisuma vita'amo buki buki vemo ademagimo hi'isama gavatogamo pamigumamo hane huna. Ho'asima gavatogamo gavebo pamilo soko gavatogamo bina'amo pamilo huguve huna hize.

Goti gelosebo hu'ize

Luku 21:33

Okuluma'e igopa'ebo suhogima bolava dagae gemo ligibo su'asogimamo hane huna fahapaize.

2 Pita 1:21

Genagamo Goti gemo aeda hakalo nesama vemo pagae pageta'ipitikobo nagemo hugune hileda asava Goti Aune Me'amamukobo nahita hizo huna lina pabalegana Goti gemo hile hae.

2 Timoti 3:16

Goti gemo buki buki ge'amo gae Aune Me'amamukobo gaezo huna higana gae'ama gemamukobo lina labalegata ligi gemo havune. Nagi ho'asima gavabo nosupa gavato-sebo lina lalegata laune lamebo lita fotogo hulota fotogo gavabo hisupa gavato-sebo lina labale.

Samu 119:11

Kagae gekamo lida dainagamo balomamo kagae kaula-galobo ho'asima gavabo lu'amo asisumahebo lida balo'uve.

Samu 119:105

Kagae gekamo lamugakata huna hano'ize. Dagizamo soko huda aoda fotogo gitobo visumahebo ganibo aona nodate.

Matiu 22:29

Zisasibamubo e'e huna. Pagaemo Goti gemo gae'ama gemo a'havita Gotibamubo apovalotibo nosema gavato-esebo a'havita aketa hama bosebo hepa gemo nesae huna hize.

Published in numerous languages by World Missionary Press, Inc. as God supplies funds in answer to prayer. If you would like more copies for prayerful distribution, specify which language(s) you need and how many booklets.

For more information, please write to:

**Every Home PNG
P.O. Box 1259
Mt. Hagen 281, WHP, PNG**

Magemo lina dupu huna gao'ema
demo Watson Goodman

Mabukumo bina afaika hava'amo lizo



Read booklets online or by App
www.wmp-readonline.org